

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva zdravstva, Vlada Zeničko-dobojskog kantona, na 8. sjednici, održanoj dana 21.12.2023. godine, d o n o s i

ZAKLJUČAK

I.

Prima se na znanje Informacija Ministarstva zdravstva broj: 11-02-15915-2/23 od 11.12.2023. godine godine, u vezi Zaključka Vlade Federacije Bosne i Hercegovine V. broj: 1488/2023 od 20.10.2023. godine i čini sastavni dio ovog zaključka.

II.

Zaključak stupa na snagu danom donošenja.

PREMIJER

Nezir Pivić

Broj: 02-_____/23
Datum, 21.12.2023. godine
Z e n i c a

DOSTAVLJENO:

1x Ministarstvo zdravstva,
1x a/a

INFORMACIJA

u vezi sa Zaključkom Vlade Federacije Bosne i Hercegovine V. broj: 1488/2023 od 20.10.2023. godine

Cilj Informacije je upoznati Vladu Zeničko-dobojskog kantona u vezi sa pravnim osnovom koji se odnosi na Zaključak Vlade Federacije Bosne i Hercegovine V. broj: 1488/2023 od 20.10.2023. godine.

Tačkom 1. Zaključaka Vlade Federacije Bosne i Hercegovine V. broj: 1488/2023 od 20.10.2023. godine, utvrđeno je da je Vlada Federacije Bosne i Hercegovine utvrđivanjem Prijedloga odluke o izmjenama i dopunama Budžeta Federacije Bosne i Hercegovine za 2023. godinu iskazala spremnost za rješavanje problema liječenja pacijenata oboljelih od karcinoma, uz opredijeljenost Vlade Federacije da ovaj problem bude sistemski riješen već od 2024. godine.

Tačkom 2. navedenog Zaključka Vlada Federacije BiH je pozvala sve kantonalne vlade i kantonalne zavode zdravstvenog osiguranja koji su iskazali suficit da se pridruže naporima Vlade Federacije Bosne i Hercegovine u rješavanju problema liječenja pacijenata oboljelih od karcinoma i osiguraju dio sredstava potrebnih za njihovo liječenje do kraja godine.

Ministarstvo zdravstva je aktom broj: 11-11-15915-1/23 od 09.11.2023. godine koji je upućen Zavoda zdravstvenog osiguranja Zeničko-dobojskog kantona (u daljem tekstu Zavod) zatražilo izjašnjenje Zavoda po pitanju iz tačke 2. Zaključka Vlada Federacije BiH.

Zavod zdravstvenog osiguranja je Ministarstvu zdravstva dostavio odgovor broj: 01-33-19786/23 od 15.11.2023. godine, koji je prilog ovoj Informaciji, u kojoj su sasvim jasno obrazložili da nema pravnog osnova za postupanje po tački 2. Zaključka Vlade Federacije BiH.

Ministarstvo zdravstva ukazuje da je članom 82. Zakona o zdravstvenom osiguranju („Sl. novine FBiH, broj: 30/97, 7/02, 70/08, 48/11, 36/18 i 61/22) propisano je sljedeće:

„Sredstva obaveznog zdravstvenog osiguranja osiguravaju se u kantonalnom zavodu osiguranja i u Federalnom zavodu osiguranja i reosiguranja u skladu sa namjenama.

Upravni odbor kantonalnog zavoda osiguranja, uz suglasnost kantonalnog ministra, sačinjava godišnji plan prihoda i rashoda za finansiranje potreba iz obaveznog zdravstvenog osiguranja, polazeći od raspoloživih sredstava, utvrđenog standarda zdravstvene zaštite i programa mjera za provođenje obaveznog zdravstvenog osiguranja.

Kantonalni zavod osiguranja je dužan poduzeti potrebne mjere, ukoliko raspoloživa sredstva nisu dovoljna za pokriće rashoda obaveznog zdravstvenog osiguranja u cilju osiguranja dodatnih sredstava.

U cilju osiguranja sredstava federalne solidarnosti u okviru jedinstvene stope doprinosa za obavezno zdravstveno osiguranje, Vlada Federacije, na prijedlog federalnog ministra, za svaku kalendarsku godinu, posebnom odlukom utvrđuje procenat izdvajanja sredstava od

ukupnih prihoda ostvarenih po osnovu doprinosa za obavezno zdravstveno osiguranje, u federalni fond solidarnosti, o čemu je dužna izvijestiti Parlament Federacije u roku od 15 dana od danadonošenja odluke.

Isti iznos sredstava obezbjedit će se iz Budžeta Federacije.

Sredstva federalnog fonda solidarnosti se koriste namjenski za osiguranje jednakih uvjeta za sprovođenje obaveznog zdravstvenog osiguranja u svim kantonima, za prioritetne federalne programe zdravstvene zaštite i prioritetne najsloženije oblike zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije i ne mogu se koristiti za druge namjene.

Ukoliko se sredstva federalnog fonda solidarnosti u cijelosti ne iskoriste do kraja tekuće poslovne godine, neutrošeni iznos sredstava vraća se kantonalnim zavodima zdravstvenog osiguranja srazmjerno njihovom učešću u formiranju tih sredstava.

Kriteriji i način korištenja sredstava federalne solidarnosti, utvrđuju se posebnom odlukom Vlade Federacije“.

U skladu sa Zakonom o doprinosima (Sl. novine FBiH“, broj: 35/98, 54/00, 16/01, 37/01, 48/01, 1/02, 17/06, 14/08, 91/15, 104/16, 34/18, 99/19, 4/21 i 6/23) sredstva obaveznog zdravstvenog siguranja - doprinosi za zdravstveno osiguranje na plaće i druga lična primanja uplaćuju se na račun Federalnog zavoda zdravstvenog osiguranja i reosiguranja u Federaciji Bosne i Hercegovine (po stopi 10,2%) i zavode zdravstvenog osiguranja (po stopi 89,8%).

Naime, na sve plaće i lična primanja obveznika sa sjedištem u Zeničko-dobojskom kantonu uplaćuje se iznos sredstava po stopi 10,2% na bruto primanja za Federalni zavod zdravstvenog osiguranja.

Ministarstvo zdravstva ukazuje da je članom 82. Zakona o zdravstvenom osiguranju decidno propisano da se iz Budžeta Federacije Bosne i Hercegovine treba obezbjediti isti iznos koji se obezbjeđuje po osnovu obaveznih doprinosa za zdravstveno osiguranje.

Posebno ukazujemo da u Izvještaju o finansijskoj reviziji Federalnog ministarstva zdravstva za 2022. godinu, broj: 01-02-06-11-1-2878-7/22 iz maja 2023. godine u okviru datih preporuka, na strani 6. pod rednim brojem 12. data je preporuka:

„Osigurati planiranje i odobravanje pripadajućeg iznosa sredstava za finansiranje Fonda solidarnosti, u svrhu osiguranja ravnopravnog položaja svih osiguranih lica i pružanja prava liječenja pacijentima u propisanom obimu, u skladu s članovima 11, 82. i 110. Zakona o zdravstvenom osiguranju“.

Navedeno je detaljno obrazloženo na strani 23. i 24. Izvještaju o finansijskoj reviziji Federalnog ministarstva zdravstva za 2022. godinu, u okviru tačke 6.1. Izrada i donošenje budžeta i plana poslovanja.

Ministarstvo zdravstva ukazuje da je navedena preporuka u kategoriji nerealizovanih preporuka iz prethodnog Izvještaja o finansijskoj reviziji Federalnog ministarstva zdravstva, odnosno da se radi se o problemu koji datira duži vremenski period.

Iz naprijed navedenog proizilazi da je nedostatak sredstava za finansiranje Fonda solidarnosti uzrokovan nedovoljnim sredstvima koja se izdvajaju iz Budžeta Federacije

Bosne i Hercegovine, a čija obaveza izdvajanja je propisana važećim propisima.

Izdvajanja za ove namjene iz sredstava Zavoda i Budžeta Kantona nemaju zakonsko uporište.

Ministrica zdravstva predlaže Vladi Kantona da usvoji predloženi zaključak kojim se prima na znanje ova Informacija.

Broj: 11-02-15915-2/23
Zenica, 11.12.2023. godine

MINISTRICA
dr Aida Salčinović

Prilog:

1x Zaključak Vlade Federacije Bosne i Hercegovine V. broj: 1488/2023 od 20.10.2023 godine,

1x Dopis Zavoda zdravstvenog osiguranja Zeničko-dobojskog kantona broj: 01-33-19786/23 od 15.11.2023. godine i

1x Strana 6. strana 23. i 24. Izvještaja o finansijskoj reviziji Federalnog ministarstva Zdravstva za 2022. godinu, broj: 01-02-06-11-1-2878-7/22 iz maja 2023. godine